



Broj: 05-1535-7/16
Sarajevo, 27. 04. 2016. godine

Na osnovu članka 70. Zakona o javnim nabavama („Službeni glasnik BiH“ broj 39/14, u nastavku: Zakon), preporuke Komisije za provođenje postupka javne nabave uredskog materijala i tonera za potrebe Agencije za bankarstvo Federacije BiH iz Zapisnika o pregledu i ocjeni ponuda broj: 05-1535-6/16 od 26. 04. 2016. godine i članka 22. Statuta Agencije za bankarstvo Federacije BiH („Službene novine Federacije BiH” broj 42/04), direktor Agencije za bankarstvo Federacije BiH donosi

O D L U K U

o poništenju postupka javne nabave putem konkurentskog zahtjeva za dostavu ponuda za LOT 1 – uredski materijal

I.

Poništava se postupak javne nabave uredskog materijala i tonera za potrebe Agencije za bankarstvo Federacije BiH, u postupku koji se odnosi na LOT 1 – uredski materijal, s obzirom da nijedna od primljenih ponuda nije prihvatljiva.

II.

Ponude ponuditelja „R&S“ d.o.o. Sarajevo i „EXCLUSIVE“ d.o.o. Zenica se odbijaju kao neprihvatljive.

III.

U skladu s članom 70. stavom (6) Zakona, Agencija za bankarstvo Federacije BiH objavit će ovu odluku na svojoj internetskoj stranici: www.fba.ba, istovremeno s upućivanjem iste ponuđačima koji su učestvovali u ovom postupku.

O B R A Z L O Ź E N J E

Agencija za bankarstvo Federacije BiH (u nastavku: Ugovorni organ) pokrenula je postupak javne nabave uredskog materijala i tonera za potrebe institucije podijeljenog na dva lota (LOT 1 – uredski materijal i LOT 2 – toneri).

Obavijest o nabavi predmetnih roba objavljena je na Portalu javnih nabava (u nastavku: Portal) dana 12. 04. 2016. godine pod brojem 3010-7-1-55-3-14/16, s tim da je Ugovorni organ nakadno objavio Ispravku za obavijest o nabavi broj: 3010-7-1-55-8-15/16 od 15. 04. 2016. godine.

Kao kriterij za dodjelu ugovora odabrana je najniža cijena tehnički zadovoljavajuće ponude.

U skladu s Obavijesti o nabavi i tenderskom dokumentacijom (u nastavku: TD), javno otvaranje ponuda obavljeno je 25. 04. 2016. godine u poslovnim prostorijama Ugovornog organa u Sarajevu, Zmaja od Bosne 47b, što je evidentirano u Zapisniku o otvaranju ponuda, broj: 05-1535-5/16 od 25. 04. 2016. godine, u kojem je ustanovljeno da su ponude po ovom predmetu nabave podnijeli ponuditelji „R&S“ d.o.o. Sarajevo i „EXCLUSIVE“ d.o.o. Zenica.

Sukladno utvrđenoj proceduri, temeljem članka 65. Zakona, Komisija je izvršila pregled i ocjenu ponuda te na osnovu izvršene analize istih u pogledu ispunjavanja zadanih kvalifikacijskih uslova, ustanovila sljedeće nepravilnosti:



- a) Ponuditelj R&S d.o.o. Sarajevo je dostavio Nacrt okvirnog sporazuma (Prilog 6 – LOT 1) koji nije u skladu s izmjenom TD. U dostavljenoj ponudi od strane navedenog ponuditelja, čl. 4. i 7. Nacrta okvirnog sporazuma odnose se na period trajanja okvirnog sporazuma do 31. 12. 2016. godine dok je izmjenama TD utvrđeno trajanje okvirnog sporazuma na period od jedne godine čl. 4. i 7. Nacrta okvirnog sporazuma. Dana 15. 04. 2016. godine, Ugovorni organ je napravio izmjenu TD evidentiranu na Portalu pod brojem TD_IZM1_3010-7-1-55_16. Ponuditelj je navedenu izmjenu TD preuzeo s Portala na dan 15. 04. 2016. godine u 14:06:36, što predstavlja dokaz da je ponuditelj bio upoznat s navedenom izmjenom TD, a nije postupio u skladu s njom.
- b) Ponuditelj EXCLUSIVE d.o.o. Zenica je dostavio Nacrt okvirnog sporazuma (Prilog 6 – LOT 1) koji nije u skladu s izmjenom TD. U dostavljenoj ponudi od strane navedenog ponuditelja, čl. 4. i 7. Nacrta okvirnog sporazuma odnose se na period trajanja okvirnog sporazuma do 31. 12. 2016. godine dok je izmjenama TD predviđeno trajanje okvirnog sporazuma na period od jedne godine čl. 4. i 7. Nacrta okvirnog sporazuma. Također, ponuditelj je dostavio Obrazac za cijenu ponuda (Prilog 3) koji nije u skladu s izmjenom TD, s obzirom da je dostavio cijenu za 186. artikala dok je Obrascem za cijenu ponude tražena cijena za 134. artikla. Dana 15. 04. 2016. godine, Ugovorni organ je napravio izmjenu TD evidentiranu na Portalu pod brojem TD_IZM1_3010-7-1-55_16. Ponuditelj je navedenu izmjenu TD preuzeo 19. 04. 2016. godine u 09:53:04, što predstavlja dokaz da je ponuditelj bio upoznat s navedenom izmjenom TD, a nije postupio u skladu s njom.

Slijedom navedenog, Komisija je predložila da se sve prispijele ponude odbiju, zbog formalno-pravnih nedostataka, u skladu s člankom 68. stavkom (4) točkom i) Zakona, te dala preporuku da se predmetni postupak poništi.

Uvažavajući navedeno, a sukladno članku 69. stavku (2) točki d) Zakona, s obzirom da nijedna od primljenih ponuda nije prihvatljiva, direktor Ugovornog organa prihvatio je prijedlog Komisije iz Zapisnika o pregledu i ocjeni ponuda, broj i datum iz uvodnog dijela ove odluke, te donio odluku kao u dispozitivu.

Pouka o pravnom lijeku:

Protiv ove odluke može se izjaviti žalba u roku od 5 (pet) dana od dana prijema ove odluke. Žalba se izjavljuje Ugovornom organu u pisanoj formi, direktno, elektronskim putem ili preporučenom poštanskom pošiljkom. Žalba se podnosi u dovoljnome broju primjeraka, a koji ne može biti manji tri.



Dostaviti:

- svim učesnicima u postupku
- a.a.